



Áveitan

9. tbl. 11. árgangur. September 2017

Flóamótið

Flóamótið mun fara fram miðvikudaginn 6. september kl 14:00 eða strax að skóla loknum. Keppnisgreinar á mótinu eru:

- 1.-3. bekkur: 60m hlaup, skutlukast, langstökk og 400m hlaup
- 4.-7. bekkur: 60m hlaup, kúluvarp, langstökk og 400m hlaup
- 8.-10. bekkur: 100m hlaup, kúluvarp, langstökk og 400m hlaup.

Að keppni lokinni verður pulsuveisla og allir keppendur fá viðurkenningarskjal með sínum árangri. Keppendur eru á ábyrgð foreldra sinna á mótinu og þess vegna er sérstaklega nauðsynlegt að foreldrar barna í 1.-3. bekk fylgi sínum börnum á mótið.

Til þess að mótið gangi vel fyrir sig þurfum við talsvert af starfsmönnum til þess að aðstoða okkur og við viljum hvetja foreldra til þess að gefa sig fram við okkur í upphafi mótsins og bjóða fram aðstoð.

Umf. Þjóttandi

Hautball í Félagslundi

Hið árlega Hautball í Félagslundi verður haldið laugardagskvöldið 7. október næstkomandi. Jón Bjarnason leikur fyrir dansi og miðaverð er kl. 2.500. Allir núverandi og fyrrverandi íbúar í Flóahreppi, mætum nú vel og tökum með okkur gesti. Nánar auglýst í næstu Áveitu.

Umf. Þjóttandi og Nefndin

Áveitan í Flóahreppi

Útgefandi: Ungmennafélagið Þjótandi.

Ábyrgðarmenn:

Ragnar Sigurjónsson
icegordon@gmail.com
S. 820-3565

lðunn Ýr Ásgeirsdóttir
idunnyr84@gmail.com
S: 865-1454

Fanney Ólafsdóttir
fanneyo@emax.is
S. 892-4155

Frá sveitarstjóra

Kæru íbúar og aðrir lesendur

Haustið færir okkur aftur rútínuna eftir frelsi og tímaleysi sumarsins. Jafnvægi kemst á birtutímamann, skólinn byrjar og leikskólinn opnar eftir sumarleyfi. Í Krakkaborg fækkaði aðeins og eru þar 38 nemendur, en í Flóaskóla hefur fjölgað þannig að þar byrja nám í haust 105 nemendur.

Starfið í leik- og grunnskóla er mikilvægt og starfsmönnum þar sýnt mikið traust með því að fela þeim velferð allra barnanna. Nemendur sem eru nú á skólaaldri eru orðnir fullorðið fólk eftir svo ótrúlega stuttan tíma og þá svo mikilvægt að þau séu vel undirbúin til þess að taka við boltanum af okkur hinum.

Hvert og eitt sem einstaklingar berum við ábyrgð á starfsandanum á vinnustaðnum okkar. Við skulum minnast þess sem oftast að líðandi stund kemur ekki aftur og það er á ábyrgð hvers og eins okkar að hún færi okkur þá vellíðan sem við óskum okkur sjálfum og hvort öðru. Samfélagið, sem er við öll hvort sem við eigum börn á skólaaldri akkúrat núna eða ekki, berum ábyrgð á því að vera styðjandi við það mikilvæga starf sem fram fer bæði í Krakkaborg og Flóaskóla.

Við getum haft misjafnar skoðanir á hinum ýmsu viðskiptum Einars Benediktssonar en ég held að við getum alveg verið sammála um það að hann var ansi gott skáld, átti auðvelt með að greina kjarna frá hismi og koma vel skipulögðum texta á blað. Það eiga ennþá við hendingarnar góðu úr ljóðinu hans að „eitt bros getur dimmu í dagsljós breytt“ og „aðgát skal höfð í nærveru sálar“

*„Eitt bros getur dimmu í dagsljós breytt,
sem dropi breytir veig heillar skálar.*

Þel getur snúizt við atorð eitt.

Aðgát skal höfð í nærveru sálar.

Svo oft leyndist strengur í brjósti, sem brast

*við biturt andsvar, gefið án saka.
Hve iðrar margt líf eitt augnakast,
sem aldrei verður tekið til baka.“*

Höfum það að leiðarljósi að við sýnum tillitssemi og veljum uppbyggilegar athugasemdir þegar við viljum sýna áhuga okkar á því sem er á döfnni. Öll erum við líka meiri menn ef við bjóðum sáttarhönd og fyrirgefum mistök sem óhjákvæmilega geta orðið.

Vinnuskólinn var vel sóttur í sumar honum stýrði Árni Geir Hilmarsson röggSAMlega með aðstoð Sólva Ólafssonar. Takk fyrir, Árni, Sólvi og krakkarnir öll, að fegra umhverfið okkar og auðga mannlífið með gláðværð og léttleika.

Fyrirtækið Kapall hefur á fyrri hluta ársins ásamt starfsmönnum og ferðaþjónustuaðililum unnið greiningu á tækifærum Árborgar og Flóahrepps varðandi ferðaþjónustu og móttöku ferðamanna og verða niðurstöður þeirrar vinnu kynntar í haust. Margt er vel gert en alltaf gott að fá utanaðkomandi aðila til þess að skoða, greina, hvetja og benda á hvað betur má fara.

Viðgerðir standa yfir á Gömlu Þingborg, og ganga þær samkvæmt áætlun. Hjá vatnsveitunni hefur verið unnið að viðhaldi og nýjum lögnum til þess að auka öryggi vatnsafhendingar og efla veituna því stöðugt bætast við ný hús sem þarf að tengja.

Undirbúningur á umsókn til Fjarskiptasjóðs vegna ljósleiðaravæðingar í Flóahreppi er hafinn og stefnt að því að sækja um styrk við næstu úthlutun. Samtal er komið á við nágrennasveitarfélögin um hugsanlegt samstarf í þessu verkefni enda samlegðaráhrif töluverð.

Í sveitinni hlakka allir til réttanna, spennandi að sjá hvort féð kemur vænt af fjalli, hvort heimtist vel og ekki síður eru réttirnar tækifæri til þess að hittast og njóta útiveru í góðum félagsskap.

Reykjaréttir verða laugardaginn 16. september og hefjast klukkan 9:00. Almennur smaladagur í Flóahreppi verður laugardagurinn 30. september og seinni réttir 1. október.

Með góðri kveðju, sveitarstjóri Flóahrepps.

Kvenfélag Villingaholtshrepps 100 ára

Úr skemmtinefndarskýrslu 1977

Ég ætla byrja á að leiðrétta villu sem kom fram í síðustu Áveitu þar sem hluti af texta hafði færst til og hluti fallið niður. Þar stendur að á fundi 22. sept 1935 hafi Stefania í Hraungerði komið á fund til að mæla fyrir tillögu til Alþingis þar sem farið var fram á styrk til kálmetisnámskeiðs undir leiðsögn Helgu. En þar vantar Thorlacius. Og á öðrum stað sendur að garðyrkjukona hafi mætt á fund og mælti sérstaklega með ágæti Thorlacius en þar átti að standa spínats. Ég bið afsökunar á þessu leiðu mistökum en það leiðréttist hér með.

Að þessu sinni ætla ég að taka kafla úr skemmtinefndarskýrslu kvenfélagsins en frá 1976 hefur verið sér gerðabók um störf nefndarinnar. 1977 var félagið 60 ára og var að því tilefni haldin heilmikil skemmtun og svo er frá henni sagt í skemmtinefndarskýrslu frá því ári:

23. okt. 60 ára afmælishóf kvenfélagsins.

Halla Magnúsdóttir, Halla Aðalsteinsdóttir, Unnur Þórarinsdóttir, Guðrún Hjörleifsdóttir og Laufey Guðmundsdóttir sungu brag er við nefndum „Kvenfélagsferðalag 1977“ eftir Sigurð Guðmundsson.

Halla Aðalsteinsdóttir söng „Eldhúspankar“ höfundur ókunnur.

2 leikþættir voru á dagskrá, sá fyrri hét „Eplið“ leikendur voru:

Margrét Björnsdóttir lék Jón bónda

Bergþóra Guðbergsdóttir lék Ástartækni -sérfræðingur

Síðari þátturinn hét „Hjá tannlækni“ persónur og leikendur voru:

Bent: Hilda Nissen

Benta: Ásta Ólafsdóttir

Tannlæknir: Þórunn Kristjánsdóttir

Nína aðstoðarst: Bergþóra Guðbergsdóttir

Guðrún Hjörleifsdóttir og Þórunn Kristjánsdóttir kynntu

Dansað var svo til kl. 1 eftir miðnætti.

24. okt Barnaskemmtun í tilefni afmælisins.

Endurtekin var dagskráin frá því í gærkvöldi. Börnin fengu svo sína öflöskuna hvert og afganginn af kaffibrauðinu frá í gær.

Á eftir þessu í skýrslunni er bragurinn „Kvenfélagsferðalag 1977“ eftir Sigurð Guðmundsson en hann er í 13 erindum svo við biðum með það til seinni tíma.

Gaman hefði verið að hafa í heimildum hjá kvenfélaginu meira um þetta hóf

og eru margar konur í félaginu sem tóku þátt í undirbúningum og gætu rifjað það upp. Það kemur t.d. ekki fram hver spilaði fyrir dansi og hverjum var boðið til hófsins. Ég heyrði mikið af þessari samkomu enda móðir mín formaður þegar þetta var og tengdamóðir mín tók þátt í undirbúningnum. Til eru líka heilmargar myndir frá þessari samkomu og gaman væra að rifja þetta betur upp, en að svo komnu ætla ég bara að taka það til sem stendur nú þegar í heimildum félagsins. Þetta verður okkur áminning að hugsa til þess að það sem við skrifum í gerðabækur verða heimildir í framtíðinni.

Elín Bj. Sveinsdóttir

Messur í haust

Kæru sveitungar, hér kemur yfirlit yfir messur í kirkjum Selfossprestakalls í Flóahreppi nú í haust.

Við viljum vekja athygli ykkar á að þann **8. október verður haldin þjóðbúningamessa í Villingaholtskirkju kl 13.30**. Við viljum hvetja alla sem eiga þjóðbúninga að mæta til kirkju í sínum þjóðbúningi, sama hvaða lands er, en einnig hvetjum við alla aðra til að koma og eiga með okkur notalega stund í kirkjunni.

Að lokinni messu verður haldið kirkjukaffi í Þjórsárveri, svokallað „Pálínuboð“ þar sem allir leggja eitthvað með sér á hlaðborð og svo eigum við notalega stund saman. Sóknarnefnd mun sjá um að vera með drykki fyrir alla.

Við hlökkum til að sjá ykkur, Sóknarnefnd Villingaholtssóknar

- 8. október Villingaholtskirkja, þjóðbúningamessa kl. 13:30 – Ninna Sif Svavarsdóttir
- 26. nóvember Hraungerðiskirkja – guðsþjónusta kl. 13:30 – Guðbjörg Arnardóttir
- 3. desember Aðventustund í Villingaholtskirkju kl. 20:00 – Ninna Sif Svavarsdóttir
- 10. desember Aðventustund í Hraungerðiskirkju kl. 13:30 – Guðbjörg Arnardóttir
- 25. desember Hátíðarguðsþjónusta í Hraungerðiskirkju kl. 11:00 – Ninna Sif Svavarsdóttir
- 25. desember Hátíðarguðsþjónusta í Laugardælakirkju kl. 13:00 – Ninna Sif Svavarsdóttir
- 26. desember Hátíðarguðsþjónusta í Villingaholtskirkju kl. 11:00 – Guðbjörg Arnardóttir

Íþróttastarf Ungmennafélagsins Þjótanda veturinn 2017-2018

Nú eru íþróttæfingar Þjótanda að hefjast og hefur Örvar Rafn Hlíðdal verið ráðinn þjálfari í vetur.

Æfingar hjá yngstu nemendum, í **1.-3.** bekk, verða eins og síðustu ár í samstarfi við og innan stundatöflu Flóaskóla. Þær verða á fimmtudögum frá klukkan 12.30 – 13:50.

Við vonumst til að pláss sé fyrir öll börn sem áhuga hafa á að mæta á æfingarnar. Ef aðsókn er meiri en við ráðum við fá eldri nemendur forgang. Æfingarnar byrja fimmtudaginn 7. september og verða fyrst um sinn haldnar á íþróttasvæðinu við Þjórsárver. Þegar haustar færast æfingarnar inn.

Æfingar fyrir nemendur í **4.-6** . bekk verða haldnar í Þingborg á fimmtudögum frá klukkan 14:30 – 15:30. Nemendum er boðið far með þeim skólabílum sem fara framhjá Þingborg í sinni akstursleið strax eftir skóla. Foreldrar sækja svo börnin í Þingborg að æfingu lokinni.

Æfingar fyrir nemendur í **7.-10.** bekk verða einnig í Þingborg. Rætt verður við nemendur um tímasetningar á æfingum til þess að sem flestir geti komið.

Á íþróttæfingum verða stundaðar fjölbreyttar og skemmtilegar æfingar í bland við leiki og frjálssar íþróttir. Við leggjum mikla áherslu á frjálssar og ætlum okkur í a.m.k. eina hópferð á frjálssiþróttamót í vetur.

Glímuæfingar verða svo á sínum stað í Félagslundi í vetur og verða nánar auglýstar síðar.

Ungmennafélagið Þjótandi

Frá Kvenfélagi Hraungerðishrepps

Kæru kvenfélagskonur, nú vegna fréttu af mikilli berjasprettu í ár er fyrirhugað að dvelja í sumarhúsinu Breiðás sem er staðsett í Hrunannahreppi. Takið því dagana frá 29. sept. til 1. okt. frá í verkefnið.

Þær sem vilja dvelja eða bara koma í heimsókn og snæða með okkur vinsamlegast hafið samband með viku fyrirvara, eða í síðasta lagi 24. sept. til allra skemmtilegu kvennana þeirra Berglindar s: 866-5730 eða Guðbjargar s:693-6864 eða á netfangið guggabondi@gmail.com.

Með gleðikveðju, skemmtinefndin

Frá Skógræktarfélagi Villingaholtshrepps

Eitthvert kvöldið í vikunni 11 - 15. september ætlum við í stjórn skógræktarfélagsins að fara upp í Skagás og klippa okkur leið inn í skóginn og hefja þannig fyrsta skrefið við að útbúa göngustíga um svæðið. Allir þeir sem hafa áhuga á að aðstoða okkur eru velkomnir. Tímasetning mun fara eftir veðri og verða nánari upplýsingar settar inn á facebooksíðu félagsins þegar nær dregur. Þeir sem eru ekki á facebook, en vilja vera með, geta haft samband í síma 849 0502 (Erla) til að fá nánari upplýsingar.

Vonumst til að sjá sem flesta eiga með okkur góða kvöldstund og aðstoða okkur við að gera Skagás að því útivistarsvæði sem það hefur alla burði til að vera.

kv. Stjórnin



Eyravegi 32 · Sími 480 1160 · Neyðarnúmer 660 1160

Úrslit af íþróttamótum

20. Unglingalandsmót UMFÍ fór fram um verslunarmannahelgina á Egilsstöðum. Þar kepptu nokkrir krakkar úr Þjótanda fyrir hönd HSK. Mótið fór vel fram og fóru flestir heim sáttir eftir góða helgi. Keppt var í fjölmörgum greinum á mótinu. Hér er þó aðeins birtur árangur okkar keppenda í frjálsum þó margir hafi keppt í fleiri greinum:

Sigurbjörg Eva Ernudóttir '01	100m hlaup	15,31sek	9. sæti
	200m hlaup	31,45sek	5. sæti
Brynjar Jón Brynjarsson '01	100m hlaup	12,54sek	10. sæti
	800m hlaup	2:31,77sek	2. sæti
	Langstökk	5,36m	8. sæti
	Kúlúv.(5kg)	9,59m	8. sæti
	Kringluk.(1,5kg)	26,91m	4.sæti
	Spjót.(700gr)	29,57m	13. sæti
Stefán Narfi Bjarnason '00	100m hlaup	11,80sek	3. sæti
	Langstökk	5,98m	3. sæti
	Kúlúv.(5kg)	12,49m	3. sæti
	Kringluk.(1,5kg)	31,53m	1. sæti
	Spjót.(700gr)	50,25m	1. sæti

Meistaramót Íslands 15-22 ára fór fram helgina 26. – 27. ágúst á Laugardalsvelli. Þjótandi átti þar fjóra flotta keppendur sem kepptu fyrir hönd HSK/Selfoss. HSK/Selfoss náði frábærum árangri og endaði í 2. sæti í heildarstiga keppninni. Hér má sjá árangurinn hjá Þjótanda:

Stefán Narfi Bjarnason '00	100m hlaup	12,53sek	11.sæti
	Langstökk	4,57m	17. sæti
	Þristökk	11,61m	4. sæti
	Kúlúv.(5kg)	12,76m	1. sæti
	Kringluk.(1,5kg)	32,30m	4. sæti
	Sleggjuk.(5kg)	30,74m	1. sæti
	Spjót.(700gr)	48,32m	1. sæti
Hugi Snær Jónsson '01	100m hlaup	13,69sek	21. sæti
	Langstökk	4,14m	19. sæti
	Kúlúv.(5kg)	6,58m	10. sæti
	Spjót.(700gr)	20,89m	16. sæti
Brynjar Jón Brynjarsson '01	100m hlaup	12,74sek	15 sæti
	200m hlaup	26,66sek	15. sæti
	Langstökk	5,21m	11. sæti
	Þristökk	10,48m	7. sæti
	Kúlúv.(5kg)	9,48m	8. sæti

	Kringluk((1,5kg)	23,86m	8. sæti
	Spjótík.(700gr)	27,74m	13. sæti
Sigurbjörg Eva Ernudóttir '01	100m hlaup	15,45sek	17. sæti
	200m hlaup	32,31sek	14. sæti
	800m hlaup	2:55,40min	6. sæti

Ferð eldri borgara

Ferð eldri borgara verður farin þriðjudaginn 12. september.

Fyrirhugað er að fara til Borgarness og nærsveita.

Farið verður með rútu frá Guðmundi Tyrfingssyni, frá Félagslundu kl. 12, Þjórsárveri kl. 12:15, Þingborg kl. 12:45 og N1 Selfossi kl. 12:45. Rútufer er í boði kvenfélaganna þriggja í Flóahreppi, og skal panta hjá:

Eydísi Eiríksdóttur Kolsholti S: 695-9223

Sigríði Harðardóttur Hallanda S: 824-5598

Margréti Stefánsdóttur Gerðum S: 4863393

Panta skal í ferðina í síðasta lagi mánudaginn 11. september.

Nefndin

Hrossaræktarfélag Flóahrepps:

Fréttir af sameiningarmálum hrossaræktarfélagana þriggja

Búið er að samþykkja á aðalfundum hvers félags fyrir sig að sameinast. Stjórnir félaganna hafa fundað saman og rætt hvernig væri best að standa að sameiningu. Helstu niðurstöður eru að talið sé best að stofna nýtt félag, og halda stofnfund fyrir það félag. Eldri félögin yrðu þá lögð niður um áramót og allar eignir þeirra gengju inn í nýtt félag (Hrossaræktarfélag Flóahrepps). Áætlað er að halda stofnfund í október eða byrjun nóvember.

Stjórnirnar munu halda sameiginlega fundi nú í september og gera drög að lögum fyrir nýtt félag og leggja lokahönd á undirbúning fyrir stofnfund. Félagsmenn eldri félaga munu ekki ganga sjálfkrafa yfir í nýtt félag, heldur þarf að skrá sig, send verða dreifibréf og stofnfundur verður auglýstur vel.

F.h. Félaganna, Atli Geir Jónsson.

Meistaramót Þjótanda

Meistaramót Þjótanda var haldið á vellinum við Þjórsárver fimmtudagskvöldið 24. ágúst. Mótinu var komið á með skömmum fyrirvara fyrir tilstilli nokkurra áhugamanna og því náðist ekki að auglýsa það í síðustu Áveitu. Mótið var mjög skemmtilegt og aðstæður góðar í lofninu sem var þetta kvöld. Keppt var í þremur keppnisgreinum í tveimur flokkum auk þess sem aukagrein á mótinu var kringlukast karla 70-74 ára. Þess ber sérstaklega að geta að tvö HSK met í flokki öldunga voru slegin á mótinu. Á mótinu var stigakeppni og voru sigurvegarar hennar Sigurður Ástgeirsson í karlaflokki með 15 stig og Unnsteinn Reynisson í piltaflokki með 18 stig.

Kúluvarp karla (7,25kg)

1. Örvar Rafn Hlíðdal	10,21m
2. Sigurður Ástgeirsson	9,48m
3. Einar Helgi Haraldsson	8,94m (HSK met 55-59 ára)
Gestur: Haraldur Einarsson	10,90m

Kúluvarp pilta (4kg)

1. Unnsteinn Reynisson	8,71m
2. Elías Örn Jónsson	7,03m
Gestur: Dagur Fannar Einarsson	11,77m

Langstökk karla

1. Sigurður Ástgeirsson	4,39m
Gestur: Haraldur Einarsson	6,16m

Langstökk pilta

1. Unnsteinn Reynisson	5,01m
2. Elías Örn Jónsson	4,09m
3. Helgi Reynisson	3,29m
Gestur: Dagur Fannar Einarsson	5,57m

Kringlukast karla (2kg)

1. Örvar Rafn Hlíðdal	24,58m
2. Einar Helgi Haraldsson	24,32m
3. Sigurður Ástgeirsson	21,02m
Gestur: Haraldur Einarsson	23,62m

Kringlukast karla 70+ (1kg)

1. Bjarki Reynisson	26,04m (HSK met 70-74 ára)
---------------------	----------------------------

Frá Kvenfélagi Villingaholtshrepps:

100 ára afmæli, þakkir fyrir gjafir

Á þriggja félaga kvöldvökunni í vor fengum við góða gjöf frá Kvenfélagi Gaulverjabæjarhrepps og Kvenfélagi Hraungerðishrepps en þau gáfu okkur þrjú sett af tertuhnífum og spöðum ásamt fallegum blómvendi. Okkar bestu þakkir færur við ykkur kærur vinkonur fyrir góða gjöf.

Grillkvöld var haldið í Skagás í júlí í tilefni 100 ára afmælisins og var mæting með ágætum. Þetta var mjög skemmtileg samvera og skemmtu sér allir vel saman og haft var á orði að þetta þyrfti að endurtaka að ári. Kærar þakkir allir sem komu og nutu dagsins/kvöldsins með okkur.

Á þessari samkomu færðu vinir okkar í Búnaðarfélagi Villingaholtshrepps okkur eitt hundrað þúsund krónur og fulla körfu af konfektí. Gjöfinni fylgdu þau orð að þessi upphæð ætti að fara í skemmtanasjóð kvenfélagsins og munum við nýta okkur það og fara saman út að borða í afmælisferðinni okkar til Aberdeen í Skotlandi á afmælisdaginn 27. október. Við viljum þakka vinum okkar í Búnaðarfélagi Villingaholtshrepps kærlega fyrir rausnarlega gjöf og góðan hug til okkar.

Gaman saman, spjall og þrjónakvöld

Nú ætlum við að endurvekja „þrjónakvöldin okkar“, eða Gaman saman samverurnar og verður fyrsta samvera á þessum vetri mánudagskvöldið 18. september frá kl. 20.00 til 22.00.

Allar konur eru velkomnar en að þessu sinni er ykkur boðið heim til mín að Skúfslæk 2.

Hlakka til að sjá ykkur,
Sólveig formaður kvenfélagsins

Árgjald Umf. Þjótanda

Við minnum enn á innheimtu árgjalds Umf. Þjótanda. Félagar sem verða 12 ára á árinu og eldri skulu greiða árgjald og er það **kr.-1000 fyrir árið 2017**. Við viljum hvetja alla til þess að greiða árgjaldið sem fyrst og styðja þar með við starfsemi félagsins. Félagið hefur lagt sig fram um að bjóða t.d. uppá gjaldfrjálsar íþróttæfingar og árgjaldið er mikilvægur þáttur í að hægt sé að halda því áfram. Það ber einnig að nefna að ekki var innheimt árgjald fyrir fyrsta starfsár félagsins.

Reikningsupplýsingar félagsins eru:

0325-26-590116 kt. 590116-2030.

Senda skal kvittun á umfthjotandi@gmail.com og senda nöfn og kennitölur þeirra sem greitt er fyrir .

Með von um góð viðbrögð

Stjórn Umf. Þjótanda

Dagskrá mánaðarins

Flóamótið	6. september
Ferð eldri borgara	12. september
Reykjaréttir	16. september
Gaman saman Kvf. Villingaholtshr.	18. september
Bústaðarferð Kvf. Hraungerðishr.	29. september
Seinni réttir	1. október
Hautballið	7. október

